

TEZAUUR LITURGIC
17 MARTIE

ACATISTUL
SF. CUVIOS
ALEXIE-OMUL
LUI DUMNEZEU
DE LA ROMA



MOSCOVA, 2000



Акафист

святому преподобному Алексию, человеку Божию

Кондак 1

Избранный угодниче Христов, свыше нареченный челове́че Божий, свя́те Алексие́, похва́льное пение́ прино́сим ти́, любóвию чту́щи тво́я по́двиги, терпе́ние и многострада́ние, и́миже Бо́гу угоди́л еси́ и яви́лся еси́ равноа́нгелен на землѣ; ты́ же, я́ко имейя́ дерзнове́ние ко Го́споду, моли́твами твои́ми от вся́ких на́с бе́д свобо́ждай, да зове́м ти́:

Ра́дуйся, челове́че Божий Алексие́, моли́твенниче о душа́х на́ших.

Икос 1

А́нгел земный́ и челове́к небесный́ бы́л еси́, Алексие́ блаже́нне, от мла́дых бо лѣт жити́я твоего́ чистоту́ души́ и те́ла соблю́л еси́ и Христу́ любóвию усер́дною послéдовал еси́, Его́же взыску́я, вся́ красная́ ми́ра сего́ оста́вил еси́ и

достігн есі совершенство́ духо́внаго. Сего́ ра́ди
слы́шиши от нас сия́ досто́должныя тебе́
похва́лы:

Ра́дуйся, вѣтхаго Рима́ рождѣние;
ра́дуйся, безча́дных роди́телей непло́дия
разреше́ние.

Ра́дуйся, моли́тв усер́дных пло́д
богодарова́нный;

ра́дуйся, от младе́нчества на богоугожде́ние
свы́ше предызбра́нный.

Ра́дуйся, в стра́се Бо́жием до́бре
воспита́нный;

ра́дуйся, Зако́ну Госпо́дню ве́рно науче́нный.

Ра́дуйся, о небе́сных па́че, не́же о земны́х,
помышля́вый;

ра́дуйся, самоотверже́ние чу́дное показавый.

Ра́дуйся, чистоту́ де́вственную Христа́ ра́ди
непорочно́ сохра́нивший;

ра́дуйся, обру́чницу, красо́тою цветущую,
Иисуса́ ра́ди оста́вивый.

Ра́дуйся, му́дрый стра́нниче, оте́чества
го́рняго взыска́вый;

Ра́дуйся. Бо́жий избра́нниче, вся́ прило́ги
ми́ра, плоти́ и диа́вола победи́вый.

Ра́дуйся, челове́че Бо́жий Алексе́е,
моли́твенниче о душа́х на́ших.

Конда́к 2

Ви́дев непостоя́нство красо́т ми́ра сего́,
тле́нию прича́стных, Алексе́е богому́дре,
возлюби́л еси́ блага́ нетле́нная вэ́чная, Хри́стом
обетова́нная во Ева́нгелии ве́рным рабо́м Его́;
сего́ ра́ди до́м родите́лей твои́х и все́ бога́тство
и́х оста́вил еси́, нищету́ же во́льную избра́л еси́,
да Хри́сту уго́ден бу́деши и возмо́жеши
невозбра́нно пе́ти Ему́: Аллилу́иа.

И́кос 2

Разуме́л еси́ до́бре, Алексе́е блаже́нне, я́ко
живя́ в ми́ре, в супру́жестве и бога́тстве,
неудо́бь обря́щеши спасе́ние; те́мже торже́ству
бра́чному приспе́вшу, ты́ бра́ка внеза́пно
уклони́лся еси́, предпочита́я в де́вственной
чистоте́ Бо́гу благоугожда́ти. О се́м диви́мся и
тебе́ зове́м хвале́бно:

Ра́дуйся, Хри́стов любите́лю, мре́жею любве́ к
ми́ру сему́ неуловле́нный;

ра́дуйся, Иису́сов послéдователю, плóти
угождéния избежа́вый.

Ра́дуйся, высотóю пóдвига твоегó А́нгелы
удививый;

ра́дуйся, крéпостию произволéния твоегó
дéмона посрамивый.

Ра́дуйся, град отéчества твоегó оста́вивый,
да Вы́шняго Гра́да наследие обря́щеши;

ра́дуйся, в пúть далéкий и многоскóрбный
потекий, да путí спасительнаго причáстник
бúдеши.

Ра́дуйся, нищету́ самоизво́льную себе́
усвоивый;

ра́дуйся, гла́дом и жа́ждею мно́гажды
томимый.

Ра́дуйся, в моли́твах денноно́щных
пребыва́вый;

ра́дуйся, слезáми умилéния лицé твоё
ороша́вый.

Ра́дуйся, терпéния стóлпе непоколебимый;

ра́дуйся, вéры адама́нте крéпкий.

Ра́дуйся, челове́че Бо́жий Алексие́,
моли́твенниче о душа́х на́ших.

Кондак 3

Си́лою Бо́жиею укрепле́нный, пу́ть дале́кий соверши́л еси́ и гра́да Еде́са дости́гл еси́, Алексе́е достохва́льне, в не́мже, я́ко еди́н от ни́щих, пребыва́л еси́ в злострада́нии и нищете́, ко хра́му Бо́жию вы́ну приметая́ся и моли́твы усердны́я со мно́гими слеза́ми принося́ Христу́, Царю́ и Бо́гу, зовы́й: Аллилу́иа.

Икос 3

Име́л еси́, свята́че Бо́жий, не́бо покро́вом и зе́млю одро́м упоко́ения, ру́бища же убо́гая одея́нием многоподви́жному твоему́ те́лу, зно́ем опаля́емому и мразом померза́емому, ему́же ни ма́лаго угожде́ния не попуска́л еси́, да не возоблада́ет плоть над ду́хом твои́м, любо́вию ко Го́споду пламенёвшим. В тако́вем подвизе твоём еди́но утешéние Христа́ име́л еси́, И́же и на́м внуша́ет вопи́ти тебе́:

Ра́дуйся, от за́пада на восто́к прише́дый
взыска́ти Со́лнца Пра́вды, Све́т Невече́рний;

ра́дуйся, Того́ во глубине́ твоего́ боголюби́ваго
се́рдца обретьи́й.

Ра́дуйся, свети́льниче Божества́ннаго сия́ния,
ми́ра концы́ озари́вый;

ра́дуйся, твои́ми христопо́слéдовательными
стопа́ми Едéс освятивый.

Ра́дуйся, пра́вило вéры и́стинныя;
ра́дуйся, о́бразе нищеты́ духо́вныя.

Ра́дуйся, в душе́ твоёй добродéтели вы́сокия
возра́стивый;

ра́дуйся, целому́дря сокрови́ще драго́е
сохрани́вый.

Ра́дуйся, Ева́нгелия Христо́ва до́брый
храни́телю;

ра́дуйся, за́поведей Иису́совых усéрдный
исполни́телю.

Ра́дуйся, на земли́ небéсно пожи́вый;
ра́дуйся, Бо́гу соверше́нно угоди́вый.

Ра́дуйся, челове́че Бо́жий Алексе́е,
моли́твенниче о душа́х на́ших.

Конда́к 4

Бу́рю страсте́й ю́ношеских возде́ржанием
укроти́л еси́, свя́те Алексе́е, и постом сугу́бым
увяди́л еси́ красоту́ лица́ твоего́; те́мже возсия́ в
души́ твоёй нетле́нная красота́ благода́тнаго
безстра́стия, благоуго́дная красне́йшему па́че
сыно́в челове́ческих Христу́, Ему́же во

умерщвлѣннем телесѣ сладце воспевал еси пѣснь хвалы и благодарѣнія: Аллилуѣа.

И́кос 4

Слы́шав клі́рик цѣркве Едѣсскія в видѣнии глас от ико́ны Богома́тере, челове́ком Бо́жиим ты нарица́ющ, досто́йным Ца́рствія Небе́снаго, егѣже моли́тва, я́ко кади́ло благово́нное, восхо́дит пред Лице́ Бо́жие, и повелева́ющ ввести́ ты вну́тр цѣркве от притво́ра, иде́же нищетно пребыва́л еси́, удиви́ся зело́ тако́вѣй свѣтости твое́й, Алексіе́ богоблаже́нне, и введь ты́ в цѣрковь Госпо́дню, ублажа́ше ты́ зва́нии сѣми:

Ра́дуйся, Ду́ха Свята́го жили́ще, преукра́шенное чистото́ю;

ра́дуйся, Бо́жия благода́ти приятели́ще, сия́ющее добродѣ́телей красото́ю.

Ра́дуйся, Бо́жия Ма́тере словесы́ похвалѣ́нный;

ра́дуйся, Цари́цею небесе́ и земли́ челове́ком Бо́жиим наименова́нный.

Ра́дуйся, і́мя но́вое и та́инственное от Влады́чицы мі́ра получи́вый;

ра́дуйся, смире́нием висо́кая стяжа́вый.

Ра́дуйся, нището́ю бога́тство нетле́нное
сниска́вый;

ра́дуйся, по́честь вы́шняго зва́ния досто́йно
восприя́вый.

Ра́дуйся, моли́тв благоприя́тное кади́ло;

ра́дуйся, Ца́рствия Го́рняго ре́вностный
иска́телю.

Ра́дуйся, в притво́ре церко́внем дни́ и но́щи
моли́твенно провожда́вый;

ра́дуйся, вну́трь хра́ма Бо́жия повеле́нием
Богома́тере че́стно введе́нный.

Ра́дуйся, челове́че Бо́жий Алексе́е,
моли́твенниче о душа́х на́ших.

Конда́к 5

Боготе́чней звездé уподо́бился еси́, Алексе́е
свя́те, егда́ избега́я сла́вы челове́ческаго, от Еде́са
удали́лся еси́ во инья́ страны, оба́че Бо́жиим
Про́мыслом кора́бль, на нёмже пла́л еси́, ко
оте́чественному тво́ему граду́ Ри́му принесёся.
Ты́ же, позна́в в се́м волю́ Госпо́дню та́мо тебе́
подвиза́тися, прите́кл еси́ к до́му роди́телей
твои́х, и я́ко еди́н от ни́щих, у врат е́го
водвори́лся еси́, слеза́ми омы́вая лице́ твоё и
вопя́ ко Го́споду: Аллилу́иа.

И́кос 5

Ви́дев тя́ боголю́бви́ый ро́дите́ль тво́й, свя́те Алекси́е, стра́нна и ни́ща о́бразом, ми́лосе́рдова о тебе́ и хи́жину ма́лу повеле́ сооруди́ти тебе́ у врат́ своего́ до́ма, в не́йже пита́ше тя́ Хри́ста ра́ди, отню́д не познава́я в тебе́ своего́ сы́на; ты́ же, ни́щето в до́ме ро́дительно́м пребы́вая, вся́кую ну́жду стра́нническую́ и поноше́ние ни́щенское претерпе́л еси́, подви́зая ны́ благохва́лити тя́ си́це:

Ра́дуйся, му́жество вели́кое показавый;
ра́дуйся, в терпе́нии мно́зем преуспе́вый.

Ра́дуйся, в до́ме ро́дителей твои́х незна́емь пребы́вавый;

ра́дуйся, ско́рбь их о лише́нии твоём́ всегда́ созерца́вый.

Ра́дуйся, се́тования отца́ твоего́ слы́шавый;
ра́дуйся, слёзы ма́тере твоея́ ви́девый.

Ра́дуйся, пла́ч обру́чницы твоея́ позна́вый;
ра́дуйся, се́рдце твоё́ си́ми боле́зненно уязвля́вый.

Ра́дуйся, поноше́ния и укори́зны от слуѓ ро́дителей твои́х незло́бно восприя́вый;

ра́дуйся, би́ения и зауше́ния от них
молчали́во переноси́вый.

Ра́дуйся, за оби́девшия тя́ непреста́нно Бо́га
умоля́вый;

ра́дуйся, самоизво́лен му́ченик вои́стину
бы́вый.

Ра́дуйся, челове́че Бо́жий Алексе́е,
моли́твенниче о душа́х на́ших.

Конда́к 6

Пропове́дник ева́нгельския́ крото́сти бы́л еси́,
свя́те Алексе́е, о́бразом жити́я твоего́
многотерпели́ваго все́м показу́яй, я́ко вся́
возмо́жна челове́ку о укрепля́ющем Бо́зе, Его́же
си́лою в немощне́й плоти́ вели́кия по́двиги
соверши́л еси́ и мно́гия страда́ния претерпе́л еси́
любве́ ради́ Христо́вы, досто́йно и пра́ведно
воспева́я Пресвяте́й Тро́ице Серафимску́ю
пе́снь: Аллилу́иа.

И́кос 6

Воссия́л еси́ в дрэ́внем Ри́ме необы́чайными
по́двиги твои́ми, Алексе́е блаже́нне, и си́ми
озари́л еси́ благода́тно всю́ Це́рковь Христо́ву:
кто́ бо не умилит́ся, слы́ша твоё
пачеесте́ственное терпе́ние и мно́гая

злострадания, в доме родителей твоих
воспринятая самоизвольно, и како, наследник
сый того дома, от слуг его укоризны и раны
преносил еси радостно. Сего ради приносим ти
от усердия нашего сия песноглашения:

Радуйся, великий угодниче Христов, в мире
премирно поживый;

радуйся, равноангельный слуго Господень,
многоболезненно жизнь твою препроводивый.

Радуйся, безчестие в славу себе вменивый;

радуйся, раны на теле твоём терпеливо
носивый.

Радуйся, ланиты твоя от заушений не
уклонивый;

радуйся, плещи твоя на ударения предавый.

Радуйся, оплевания хриstopодражательно
принимавый;

радуйся, молчанием на укоризны отвещаый.

Радуйся, во Христе утешение едино обретый;

радуйся, воспоминанием крестных страданий
Иисусовых скорби твоя услаждаый.

Радуйся, великодушный многострадальче;

радуйся, добropобедный подвижниче.

Ра́дуйся, челове́че Бо́жий Алексе́е,
моли́твенниче о душа́х на́ших.

Конда́к 7

Хоте́ние еди́но имёл еси́, челове́че Бо́жий, е́же благоугожда́ти Бо́гу; те́мже вся́ вре́менная в уме́ты вмени́л еси́, и насле́дник мно́гаго бога́тства бы́в, си́е оста́вил еси́, нищ и страна́ен пребыва́я, в роди́тельстве́м до́ме непознава́ем и зело́ уничижа́ем, при́сно воздыха́я ко Го́споду и слéзно моля́ся, да сподо́бит тя́ в стране́ блаже́нства вéчнаго пéти Ему́ со святы́ми: Аллилу́иа.

И́кос 7

Но́во и необы́чайно тече́ние соверши́л еси́ жити́я твоего́, свя́те Алексе́е, среди́ ми́ра чу́ждо мирски́х при́страстий и вся́кия скве́рны грехо́вныя; те́мже прия́л еси́ в души́ твое́й богове́дения да́р соверше́н и бы́л еси́ одушевле́нный хра́м Триси́яннаго Боже́ства, в нёмже Христо́с со Отце́м и Ду́хом оби́тель Себе́ сотвори́, нас же научи́ зва́ти тебе́:

Ра́дуйся, А́нгелов подо́бниче и челове́ков красото́;

ра́дуйся, ри́зу душе́вную де́вства чистото́ю убели́вый.

Ра́дуйся, в ра́дость Го́спода твоего́ вше́дый;
ра́дуйся, доброво́льною нището́ю
превозвы́шенный.

Ра́дуйся, терпе́нием твои́м с
многострада́льным Йо́вом сравни́вайся;

ра́дуйся, уничиже́нием твои́м ева́нгельскому
Ла́зарю подража́вай.

Ра́дуйся, боле́знями мно́гими здра́вие души́
стяжа́вай;

ра́дуйся, страда́ньми неисче́тными Ца́рствие
Христо́во приобре́тй.

Ра́дуйся, ве́тхаго Ри́ма благода́тное
обновле́ние;

ра́дуйся, Це́ркве Христо́вы Боже́ственное
удобре́ние.

Ра́дуйся, обетова́ний Иису́совых насле́днице;

ра́дуйся, Пресвяты́я Трои́цы тайннице.

Ра́дуйся, челове́че Бо́жий Алексе́е,
моли́твеннице о душа́х на́ших.

Конда́к 8

Стра́нник и пришле́ц, бы́л еси́ во гра́де
оте́чества твоего́, свя́те, вы́ну взыску́я
Вы́шняго Гра́да, Иерусали́ма Небе́снаго; егда́же

приспé время отшéствия твоегó к Бóгу, ты́ на харти́ тайну жити́я твоегó начертáл еси́, в познáние твоим родителем, и неослáбно пребывáл еси́ в подвизех поста́ и молítвы, приуготовля́ясь ко исхóду умилéнным пéнием Бóгу: Аллилу́иа.

И́кос 8

Вéсь в Бóзе б́ыв, Алексие́ свя́те, молítве б́вше́й на уста́х твои́х, преда́л еси́ пра́ведную ду́шу твою́ в ру́це Бóжии мирно и безмяте́жно, я́ко усну́л еси́; сме́рть бо тебе́ вои́стину упокоéние бы́сть от страда́ний и подвиго́в непреста́нных, и прохожде́ние от ху́ждшаго на лу́чшее. О тако́вем блаже́нном успéнии твоём мы́ ра́дующеся, сия́ прикла́дныя тебе́ прино́сим глаго́лы:

Ра́дуйся, свѣ́тче Бóжий, свѣ́то и пра́ведно жи́знь земну́ю соверши́вый;

ра́дуйся, во благоухáнии свѣ́тыни снóм сме́ртным опочи́вый.

Ра́дуйся, на ло́но Авраáма А́нгелы несéнный;

ра́дуйся, пéнием неземным от свѣ́тых Небожителе́й встрéченный.

Ра́дуйся, венце́м безсме́ртныя жи́зни от Го́спода увенча́нный;

ра́дуйся, во оби́тели райския со сла́вою восприя́тый.

Ра́дуйся, Пресве́тлое Лице́ Влады́ки Христа́ вы́ну созерца́яй;

ра́дуйся, Пресвяте́й Трои́це Трисвяту́ю пе́снь немол́чно возглаша́яй.

Ра́дуйся, Созда́теля го́рних и до́льных моли́твами твои́ми умило́стивля́яй;

ра́дуйся, ве́сь ми́р христиа́нский предста́тельством твои́м объе́мляй.

Ра́дуйся, А́нгелов и челове́ков ра́дование;

ра́дуйся, почита́ющим святу́ю па́мять твою́ ве́рный хода́таю.

Ра́дуйся, челове́че Бо́жий Алексе́е, моли́твенниче о душа́х на́ших.

Конда́к 9

Вси́ лю́дие ри́мстии в трéпет приидо́ша, слы́шавше гла́с в собо́рней це́ркви гра́да своего́, во вре́мя Божество́нныя литурги́и свы́ше от олтаря́ глаго́лющ и повелева́ющ поиско́ати тя́, челове́че Бо́жий, да моли́тв твои́х сподо́бятся.

Тѣмже во удивлѣнии и ўжасѣ бѣвше, молитвенно возопиша они ко Господу, да явит им тебе, Своего избранника, зовуще дивному во святых Своих Владыце: Аллилуиа.

Икос 9

Ветийство человеческое не довлѣет к похвалѣнию тебе, святе Алексие, свѣше похвалѣнному Гласом Божественным, Егоже извещѣнием людие римстии обретоша тя, мѣртва лежаща на одре, с хартиєю на лицѣ, еже сияше солнцеподобными лучами, и благоухание велие исхождаше от многоподвижнаго твоего телесе. Тѣмже обрѣтением твоим обрадовани, царь, святитель и весь народ возгласиша тебе:

Радуйся, свѣтлый лучѣ Трисолнечнаго Свѣта, оживляющаго весь мир;

радуйся, деннице, возшедшая просвѣщати Церковь Христову многими чудесы.

Радуйся, святости и чистоты крине благоуханный;

радуйся, дарований Божественных сокровище.

Радуйся, родителем твоим хартиєю себе явивый;

ра́дуйся, пла́ч их го́рестный на сла́достный
преложи́вый.

Ра́дуйся, се́дины о́тца твоего́ прославлéнием
твоим просла́вивый;

ра́дуйся, слéзы ма́тере твоея́ благода́тно
вознаградíвый.

Ра́дуйся, честну́ю обру́чницу твою́, ве́рность
тебе́ сохрани́шую, духо́вно утэ́шивый;

ра́дуйся, ве́сь наро́д ри́мский обрéтением
твоим зело́ возвесели́вый.

Ра́дуйся, исцелéния чудéсная от святи́х
моще́й твои́х обильно́ источи́вый;

ра́дуйся, на небеси́ и на земли́ по́честь
посме́ртную досто́йно восприя́вый.

Ра́дуйся, челове́че Бо́жий Алексíе,
моли́твенниче о душа́х на́ших.

Конда́к 10

Спасти́ся хотя́щим приме́р благий жити́е
твоё, свя́те Алексíе, имже́ вся ны́ поуча́еши
отреша́тися суёт ми́ра, иска́ти же еди́но на
потре́бу, е́же е́сть богоугождéние. Помози́ у́бо
на́м, челове́че Бо́жий, в се́м тебе́ подража́ти,
укрепи́ немощно́е произво́ление на́ше, вдохни́ в
на́с му́жество душе́вное, украси́ на́с

добродѣтелями и яви быти наслѣдники Царства Небѣснаго, да с тобою на землѣ живыхъ воспоемъ Создателю нашему: Аллилуиа.

Икос 10

Царя Небѣснаго Христа вѣрный послѣдователь былъ еси, Алексіе блаженне, Егоже Страшному Престолу ныне предстоиши во славе небѣсней, о нейже мы, земнии и перстнии, ниже помыслити можемъ; обаче любовью усердною к тебе понуждаеми, мысленно созерцаемъ тя, горе за ны молящагося предъ лицемъ Божиимъ, и брѣнными усты возсылаемъ ти пѣние таковое:

Радуйся, вѣрно чтущимъ тя скорый помощниче;

радуйся, молитвенно призывающихъ тя усердный заступниче.

Радуйся, праведниче Господень, Егоже Правда возсия немерцаемо;

радуйся, соль земли, яже никогдаже обуяетъ.

Радуйся, добрыми делы твоими Бога прославивый и человеки удививый;

радуйся, житиемъ твоимъ Ангелы возвеселивый и дүхи тьмы посрамивый.

Радуйся, Горняго Мира украшение;

ра́дуйся, до́льняго ми́ра защище́ние.

Ра́дуйся, Ри́ма сла́во и похва́ло;

ра́дуйся, христиа́нскаго ро́да возвыше́ние.

Ра́дуйся, в чуде́сех просия́вый;

ра́дуйся, в ми́лостех неисто́щмый.

Ра́дуйся, челове́че Бо́жий Алексе́е,
моли́твенниче о душа́х на́ших.

Конда́к 11

Пе́ние надгробное со сла́вою тебе́ сотвори́ша,
свя́те Алексе́е, ца́рь, святите́ль и ве́сь наро́д
ри́мский, роди́телем твои́м и обру́чнице твоёй,
возсле́дующим че́стному́ твоему́ гробу́,
несённому благоле́пно в собо́рную це́рковь, от
него́же чуде́с мно́жество исто́чил еси́: слепи́и
прозира́ху, осла́бленнии укрепля́хуся,
неду́жнии здра́ви бы́ваху прикоснове́нием к
мо́щем твои́м святы́м, во е́же все́м ви́дящим
тако́вая возглаша́ти Бо́гу: Аллилу́иа.

И́кос 11

Све́тло и ра́достно бы́сть погребё́ние твоё,
челове́че Бо́жий, све́тел бо лице́м возлежа́л еси́
во гробе́ и благоуха́ние сла́достное испу́щал еси́
от нетле́ннаго твоего́ телесе́, си́ми зна́менуя
све́тлость немерца́ющую святы́я твоея́ души́, в

воню́ благоуха́ния Христо́ва прите́кшия и ми́ра
Боже́ственнаго преиспо́лненныя, от ея́же
полноты́ и в на́ша ду́ши пода́ждь дая́ние
благодáтное, да со утешéнием духо́вным тебе́
возопиéм:

Ра́дуйся, свещé неугаси́мая, в моли́твах к
Бо́гу горе́ возжже́нная;

ра́дуйся, лампа́до злата́я, елеем ми́лости до́лу
живу́щих умаща́ющая.

Ра́дуйся, алава́стре драгий, ми́ро целе́бное
боля́щим источа́я;

ра́дуйся, реко́ многово́дная чудес.

Ра́дуйся, ино́чествующе́м наста́вниче до́браго
по́двига;

ра́дуйся, в ми́ре живу́щим о́бразе
богоугождéния.

Ра́дуйся, зерка́ло чи́стое пра́веднаго жити́я;

ра́дуйся, приста́нище благооти́шное по Бо́зе
упова́ние на тя́ возложив́ших.

Ра́дуйся, враго́в невидимых крéпкий
противобо́рче;

ра́дуйся, и́щущим спасéния душе́внаго благий
споспéшниче.

Ра́дуйся, от небéсных высóт к земнорóдным
мíлостивно приника́яй;

ра́дуйся, чту́щих тя́ проше́ния ско́ро
исполня́яй.

Ра́дуйся, челове́че Бо́жий Алексе́е,
моли́твенниче о душа́х на́ших.

Конда́к 12

Благода́ть и мило́сть испроси́ нам у Христа́,
Царя́ и Бо́га на́шего, Алексе́е достохва́льне;
вемы́ бо, я́ко мно́го мо́жет моли́тва твоя́ пред
Лице́м Его́, и благоуве́тливо преклоня́ется Он к
моле́нию твоему́. Те́мже усер́дно к тебе́
прибега́ем и смире́нно про́сим: окорми́ нас
предста́тельством твои́м в ти́хое приста́нище
Христо́во и сподо́би насладя́тися нетле́нная
ра́дости святы́х, немóлчно вопию́щих
славосло́вия пёснь Триеди́ному Бо́гу: Аллилу́иа.

И́кос 12

Пою́ще по́двиги многострада́льного и
предивна́го жития́ твоего́, челове́че Бо́жий,
хва́лим, сла́вим и ублажа́ем тя́ усер́дною
любо́вию, я́ко небéснаго многомо́щнаго
предста́теля на́шего; ты́ же, свя́те, да́нною ти́
свы́ше благода́тию нас, грёшных и мра́чных,

освяти́, просвети́ и наста́ви вопи́ти тебе́
неосужде́нно:

Ра́дуйся, восто́ка незаходи́мага
присносия́ющая заре́;

ра́дуйся, вселенну́ю твои́ми чудесы́
исполни́вый.

Ра́дуйся, мо́щами твои́ми пресла́вно
чудотвори́й;

ра́дуйся, образи́ подобия́ твоего́ предивна́я
соверша́яй.

Ра́дуйся, боля́щих безме́здный врачу́;

ра́дуйся, скорбя́щих благи́й утешителю́.

Ра́дуйся, уныва́ющих благода́тное ободрение́;

ра́дуйся, изнемога́ющих внеза́пное
укрепле́ние.

Ра́дуйся, бе́дствующим на по́мощь ускоря́яй;

ра́дуйся, от жити́я отходя́щим заступле́ние
твое́ многомо́щное явля́яй.

Ра́дуйся, радости́ духо́вныя боголюби́вым
душа́м подателю́;

ра́дуйся, бла́г вре́менных и ве́чных усердны́й
на́м у Го́спода просите́лю.

Ра́дуйся, челове́че Бо́жий Алексе́е,
моли́твенниче о душа́х на́ших.

Конда́к 13

О святы́й и богопросла́вленный челове́че
Бо́жий Алексе́е! Тебе́, горе́ за ны́ моля́щемуся
пред Престо́лом Го́спода Сла́вы, мы́ грёшнии,
до́лу живу́щии, си́е ма́лое принося́ще пёние,
мо́лимся от всея́ души́ и от всего́ помышле́ния:
моли́твами твои́ми испроси́ нам у Христа́ Бо́га
прощёние согрешёний и по кончи́не на́шей
жи́зни прия́тие в блаже́нныя оби́тели Небе́снаго
Ца́рствия, да с тобо́ю во ве́ки поём Ему́:
Аллилу́иа.

*Этот конда́к чита́ется три́жды, зате́м и́кос
1 и конда́к 1*

Моли́тва

О вели́кий Христов у́годниче, святы́й
челове́че Бо́жий Алексе́е, душе́ю на небеси́
Престо́лу Госпо́дню предстоя́й, на земли́ же
да́нною ти́ свы́ше благода́тию различна́я
соверша́яй чудеса́! При́зри ми́лостивно на
предстоя́щия святе́й ико́не твоёй лю́ди,
умилённо моля́щияся и прося́щия от тебе́
по́мощи и заступле́ния. Простри́ моли́твенно ко
Го́споду Бо́гу честни́и ру́це твои́ и испроси́ нам

от Него оставление согрешений наших вольных и невольных, в недугах страждущим исцеление, нападствуемым заступление, скорбящим утешение, бедствующим скорую помощь, всем же чтущим тя мирную и христианскую живота кончину и добрый ответ на Страшном Суде Христове. Ей, святче Божий, не посрами упования нашего, еже на тя по Бозе и Богородице возлагаем, но буди нам помощник и покровитель во спасение, да твоими молитвами получивше благодать и милость от Господа, прославим человеколюбие Отца и Сына и Святаго Духа, в Троице славимаго и покланяемаго Бога, и твое святое заступление ныне и присно, и во веки веков. Аминь.

